



Ֆինանսական հաշվետվություններ և
Անկախ աուդիտորական եզրակացություն

«ՍԱՄՍՈՒՍ ԹՐԵՅԴ ԳՐՈՒՊ»

Սահմանափակ պատասխանատվության
ընկերություն

31 դեկտեմբերի 2021թ.

31 դեկտեմբերի 2022թ.

Բովանդակություն

	Էջ
Անկախ աուդիտորական եզրակացություն	3
Ֆինանսական վիճակի մասին հաշվետվություն	6
Համապարփակ ֆինանսական արդյունքների մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10



	audit	accounting	advisory	assurance
ՀԱՊ ՀԿ	Ուեստըր	I 20 0219		
Հասցե	Նալբանդյան 50/136, ք Երևան ՀՀ,	www. 4aconsulting.am	Address	CAA NGO Register I 20 0219
Հեռախոս	+374(10) 52 08 47	info@4aconsulting.am	Telephone	Nalbandyan 50/136, Yerevan, RA +374(10) 52 08 47

Անկախ աուդիտորական եզրակացություն

«ՍԱՄՄՈՒՍ ԹՐԵՅԴ ԳՐՈՒՂ» ՍՊԸ-ի մասնակցին

Կարծիք

Մենք աուդիտի ենք ենթարկել «ՍԱՄՄՈՒՍ ԹՐԵՅԴ ԳՐՈՒՂ» ՍՊԸ-ի (Ընկերություն) ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31 դեկտեմբերի 2021թ., առ 31 դեկտեմբերի 2022թ., ինչպես նաև այդ ամսաթվերին ավարտված տարիների համապարփակ ֆինանսական արդյունքի, սեփական կապիտալում փոփոխությունների և դրամական միջոցների հոսքերի մասին հաշվետվությունները, և ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման նշանակալի քաղաքականության ամփոփը:

Մեր կարծիքով, կից ֆինանսական հաշվետվությունները բոլոր էական առումներով տալիս են Ընկերության 2021 թվականի դեկտեմբերի 31-ի և 2022 թվականի դեկտեմբերի 31-ի դրությամբ ֆինանսական վիճակի, ինչպես նաև այդ ամսաթվին ավարտված տարիների ֆինանսական արդյունքի և դրամական միջոցների հոսքերի ճշմարիտ և իրական պատկերը՝ համաձայն փոքր եւ միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՄ):

Կարծիքի հիմք

Աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության՝ "*Աուդիտորի պատասխանատվությունը ֆինանսական հաշվետվությունների աուդիտի համար*" բաժնում: Մենք անկախ ենք Ընկերությունից՝ համաձայն Հաշվապահների էթիկայի Միջազգային Ստանդարտների Խորհրդի կողմից հրապարակված "*Պրոֆեսիոնալ հաշվապահների էթիկայի կանոնագրքի*" (ՀԷՄՍԽ կանոնագրք) և պահպանել ենք էթիկայի այլ պահանջները՝ համաձայն ՀԷՄՍԽ կանոնների և Հայաստանի հանրապետությունում ֆինանսական հաշվետվությունների աուդիտին վերաբերող էթիկայի պահանջների: Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

Անքնհրապարակման հիմունքին վերաբերող էական անորոշություն

Ձեր ուշադրություն ենք հրավիրում ֆինանսական հաշվետվություններին կից Ծանոթագրություն 26-ի վրա, որտեղ նշվում է, որ Ընկերությունը կրել է 148,942 հազար դրամ և 309,751 հազար դրամ գումարի գույք կորուստ համապատասխանաբար 2021 թվականի դեկտեմբերի 31-ին և 2022 թվականի դեկտեմբերի 31-ին ավարտվող տարիների ընթացքում, և այդ ամսաթվերի դրությամբ Ընկերության ընթացիկ պարտավորությունները գերազանցել են իր ընդհանուր ակտիվները 299,143 հազար դրամ և 608,894 հազար դրամ գումարի չափով: Այս դեպքերը կամ իրավիճակները, ի թիվս Ծանոթագրություն 26-ում նշված այլ հարցերի, ցույց են տալիս, որ առկա է էական անորոշություն, որը կարող է նշանակալի կասկած հարուցել Ընկերության անընդհատ գործելու կարողության վերաբերյալ:

Մեր կարծիքը չի ձևափոխվել այս հարցի կապակցությամբ:

Այլ հանգամանք

Ընկերության 2020թ. դեկտեմբերի 31-ի դրությամբ և այս ամսաթվին ավարտված տարվա ֆինանսական հաշվետվությունները աուդիտի չեն ենթարկվել:

Ֆինանսական հաշվետվությունների համար ղեկավարության և կառավարման լիազոր անձանց պատասխանատվությունը

Ղեկավարությունը պատասխանատվություն է կրում ֆինանսական հաշվետվությունների պատրաստման համար, որոնք տալիս են ճշմարիտ և իրական պատկեր ՓՄԿ-ների ՖՀՄՄ-ի համաձայն, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Ընկերության անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Ընկերությունը լուծարելու կամ Ընկերության գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլ ընտրանք:

Կառավարման լիազոր անձինք պատասխանատու են ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումներ, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի վրումն՝

- հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավականաչափ և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, գեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Ընկերության ներքին հսկողության արդյունավետության վերաբերյալ կարծիք արտահայտելու համար:
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարված հաշվապահական հաշվառման գնահատումների և կից բացահայտումների խելամտությունը:

- եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, ոյոնք կարող են նշանակալի կասկած հարուցել Ընկերության անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը:
Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա դեպքերը կամ իրավիճակները կարող են ստիպել Ընկերությանը դադարեցնել անընդհատության հիմունքի կիրառումը:

Կառավարման լիազոր անձանց, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

22 մայիսի 2023թ.

Անիկ Մարտիրոսյան

Տնօրեն-Քաժմնետեր/ Աուդիտի ղեկավար



Ֆինանսական վիճակի մասին հաշվետվություն

Ա Կ Տ Ի Վ		31.12.2022թ.	31.12.2021թ.	31.12.2020թ.
I. Ոչ ընթացիկ ակտիվներ				
Հիմնական միջոցներ	4	56,624	34,475	11,949
Ոչ նյութական ակտիվներ		1,259	1,415	1,572
Կանխավճարներ ոչ ընթացիկ ակտիվներ		448	38	-
ձեռք բերելու համար				
Հետաձգված հարկային ակտիվներ	5	125,580	75,069	-
Ընդամենը ոչ ընթացիկ ակտիվներ		183,911	110,997	13,521
II. Ընթացիկ ակտիվներ				
Պաշարներ	6	2,611,141	2,675,295	1,498,575
Տրամադրված կարճաժ. փոխառություններ	7	9,270	696	-
Առևտրային և այլ դեբիտորական պարտքեր	8	1,380,009	1,494,013	1,478,097
Դրամական միջոցներ և դրանց	9	110,807	69,931	65,414
համարժեքներ				
Ընդամենը ընթացիկ ակտիվներ		4,111,227	4,239,935	3,042,086
ԸՆԴԱՄԵՆԸ ԱԿՏԻՎՆԵՐ		4,295,138	4,350,932	3,055,607
Պ Ա Ս Ի Վ				
III. Սեփական կապիտալ				
Կանոնադրական կապիտալ	10	50	50	50
Կուտակված վնաս		-608,944	-299,193	-150,251
Ընդամենը սեփական կապիտալ		-608,894	-299,143	-150,201
IV. Ոչ ընթացիկ պարտավորություններ				
Ընդամենը ոչ ընթացիկ պարտավորություններ		-	-	-
V. Ընթացիկ պարտավորություններ				
Կարճաժամկետ վարկեր	11	1,199,989	1,279,545	1,415,388
Կարճաժամկետ փոխառություններ	12	983,988	889,117	469,936
Առևտրային և այլ կրեդիտորական պարտքեր	13	2,720,055	2,481,413	1,320,484
Շահութահարկի գծով պարտավորություն		-	-	-
Ընթացիկ պահուստ		-	-	-
Ընդամենը ընթացիկ պարտավորություններ		4,904,032	4,650,075	3,205,808
ԸՆԴԱՄԵՆԸ ՍԵՓԱԿԱՆ ԿԱՊԻՏԱԿԱԼ ԵՎ ԸՆԹԱԳԻՑԱԿԱՆ ՊԱՐՏԱՎՈՐՈՒԹՅՈՒՆՆԵՐ		4,295,138	4,350,932	3,055,607

Ֆինանսական հաշվետվությունները հաստատվել են 2023թ. մայիսի 22-ին:

Տնօրեն՝

Գլխավոր հաշվապահ՝

Մարինե Մելքոնյանը

Լուսինե Մելքոնյան /վկայական ՓՀ 0265/

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 25-րդ էջերում ներկայացված կից ծանոթագրությունների հետ մեկտեղ:

Համապարփակ ֆինանսական արդյունքների մասին հաշվետվություն

		2022թ. դեկտեմբերի 31- ին ավարտված տարի	2021թ. դեկտեմբերի 31- ին ավարտված տարի	2020թ. դեկտեմբերի 31- ին ավարտված տարի
Ցուցանիշի անվանումը				
Իրացումից հասույթ	14	5,287,921	4,868,115	2,869,274
Վաճառքի ինքնարժեք	15	-4,212,815	-3,971,335	-2,316,793
Համախառն շահույթ		1,075,106	896,780	552,481
Այլ եկամուտներ		12,295	5,138	1,190
Իրացման ծախսեր	16	-1,235,544	-940,093	-656,797
Վարչական ծախսեր	17	-86,014	-75,344	-64,348
Այլ ծախսեր	18	-9,470	-6,479	-20,209
Գործառնական վնաս		-243,627	-119,998	-187,683
Ֆինանսական եկամուտ		265	462	120
Ֆինանսական ծախսեր		-116,009	-115,028	-20,937
Այլ ֆինանսական հոդվածներ		-889	10,553	275
Վնասը մինչև հարկերը		-360,262	-224,011	-208,226
Շահութահարկի գծով ծախս	19	50,511	75,069	-
Զուտ վնաս		-309,751	-148,942	-208,226
Այլ համապարփակ ֆինանսական արդյունքներ				
<i>Հոդվածներ, որոնք հետագայում չեն վերադասակարգվի շահույթին կամ վնասին</i>				
<i>Հոդվածներ, որոնք հետագայում կվերադասակարգվեն շահույթին կամ վնասին</i>				
Տարվա այլ համապարփակ ֆինանսական արդյունքներ հարկումից հետո				
Ընդամենը տարվա համապարփակ ֆինանսական արդյունքներ		-309,751	-148,942	-208,226

Համապարփակ ֆինանսական արդյունքների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 25-րդ էջերում ներկայացված կից ծանոթագրությունների հետ մեկտեղ:

Սեփական կապիտալում փոփոխությունների մասին հաշվետվություն

	Կանոնադրական կապիտալ	Կուտակված շահույթ/վնաս	ընդամենը
2020թ. հունվարի 1-ի դրությամբ	50	57,976	58,026
Տարվա համապարփակ ֆինանսական արդյունք		-208,227	-208,227
2020թ. դեկտեմբերի 31-ի դրությամբ	50	-150,251	-150,201
Տարվա համապարփակ ֆինանսական արդյունք		-148,942	-148,942
2021թ. դեկտեմբերի 31-ի դրությամբ	50	-299,193	-299,143
Տարվա համապարփակ ֆինանսական արդյունք		-309,751	-309,751
2022թ. դեկտեմբերի 31-ի դրությամբ	50	-608,944	-608,894

Սեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 25-րդ էջերում ներկայացված կից ծանոթագրությունների հետ մեկտեղ:

Դրամական միջոցների հոսքերի մասին հաշվետվություն

Ցուցանիշի անվանումը	2022թ. Դեկտեմբերի 31-ին ավարտված տարի	2021թ. Դեկտեմբերի 31-ին ավարտված տարի
Գործառնական գործունեությունից դրամական միջոցների հոսքեր		
Ապրանքների իրացումից դրամական միջոցների մուտքեր	6,427,406	5,805,654
Վճարումներ մատակարարներին ապրանքների ձեռքբերման դիմաց	(4,765,947)	(3,950,514)
Վճարումներ աշխատակիցներին	(503,224)	(399,353)
Հարկեր, տուրքեր և այլ պարտադիր վճարներ, բացի շահութահարկը	(979,611)	(1,624,566)
Վճարված շահութահարկ	-	-
Բանկային ծախսերի դիմաց վճարումներ	(206)	(484)
Այլ ելքեր	252	(79)
Գործառնական գործունեությունից ստացված զուտ դրամական միջոցներ	178,670	(169,342)
Ներդրումային գործունեությունից դրամական միջոցների հոսքեր		
Հիմնական միջոցների վաճառքից մուտքեր	-	-
Ստացված տոկոսներ	264	462
Փոխառությունների (տրամադրում)/ մարում, զուտ	(10,407)	(1,350)
Ներդրումային գործունեության համար օգտագործված զուտ դրամական միջոցներ	(10,143)	(888)
Ֆինանսական գործունեությունից դրամական միջոցների հոսքեր		
Վճարված տոկոսներ	(116,009)	(115,027)
Ներգրավված վարկեր ստացումից/(մարումից), զուտ	(5,284)	295,147
Վճարված շահաբաժիններ	-	-
Ֆինանսական գործունեության համար օգտագործված զուտ դրամական միջոցներ	(121,293)	180,120
Արտարժույթի փոխարժեքային տարբերություններ դրամական միջոցների գծով	(6,358)	(5,373)
Դրամական միջոցների զուտ աճ/(նվազում)	40,876	4,517
Ժամանակաշրջանի սկզբի դրությամբ դրամական միջոցներ	69,931	65,414
Ժամանակաշրջանի վերջի դրությամբ դրամական միջոցներ	110,807	69,931

Դրամական միջոցների հոգքի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 25-րդ էջերում ներկայացված կից ծանոթագրությունների հետ մեկտեղ:

Ֆինանսական հաշվետվություններին կից ծանոթագրություններ

1. Գործառնությունների բնույթը և ընդհանուր տեղեկատվություն

«ՍԱՄՄՈՒՄ ԹՐԵՅԴ ԳՐՈՒՊ» ՍՊԸ-ն (այսուհետ՝ Ընկերություն) ստեղծվել է 2019թ թվականի հուլիսին, գրանցման համարը 269.110.1082382, գրանցված ՀՀ արդարադատության նախարարության իրավաբանական անձանց պետեզիստրի կողմից 08.07.2019թ:

Ընկերության կանոնադրությունը հաստատվել է ՍՊԸ միակ հիմնադիր-մասնակից Արկադի Սիմոնյանի 08.07.2019թ. որոշմամբ: Ներկայումս Ընկերության հիմնադիրը և միակ մասնակիցը հանդիսանում է Արկադի Սիմոնյանը, որը և հանդիսանում է 100% բաժնեմասի տեր:

Ընկերության կանոնադրական կապիտալը կազմել է 50.000 դրամ, որը բաժանված է 1 /մեկ/ բաժնեմասերի: Մեկ բաժնեմասի անվանական արժեքը կազմում է 50.000 /հիսուն հազար/ դրամ: Ընկերության բոլոր բաժնեմասերը տեղաբաշխված են լրիվ վճարված և սեփականության իրավունքով ամրագրված մասնակցին:

Ընկերությունը գրանցվել է Երևան քաղաքի Էրեբունի տարածքային հարկային տեսչությունում և ստացել հարկ վճարողի հաշվառման համար 02280721:

Ընկերությունն իր գործունեության ընթացքում ղեկավարվում է Հայաստանի Հանրապետության օրենսդրությամբ, Ընկերության կանոնադրությամբ, ինչպես նաև Ընկերության իրավասու մարմինների կողմից ընդունված իրավական ակտերով:

Ընկերության կառավարման բարձրագույն մարմինը Ընկերության մասնակիցների ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Ընկերության ընթացիկ գործունեության ղեկավարումն իրականացնում է տնօրենը:

Ընկերության գտնվելու վայրը և իրավաբանական հասցեն է՝ Հայաստանի Հանրապետություն, ք. Երևան, Ամիրյան 26 :

Ընկերության ընթացիկ գործունեության ղեկավարումն իրականացնում է տնօրենը՝ Մարինե Մելքոնյանը:

Աշխատակիցների միջին ցուցակային թվաքանակը 2021թ. դրությամբ այն կազմել է 76 մարդ, իսկ 2022թ դրությամբ՝ 95 մարդ:

2. Պատրաստման հիմքերը

2.1 Համապատասխանություն

Ֆինանսական հաշվետվությունները պատրաստվել են փոքր եւ միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (<ՀՄՍԽ) կողմից:

2.2 Ճանաչման հիմքեր

Ֆինանսական հաշվետվությունները պատրաստվել են սկզբնական արժեքի սկզբունքով, բացառությամբ որոշ ֆինանսական գործիքների, որոնք ներկայացված են իրական արժեքով:

2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով, քանի որ ղեկավարության համոզմամբ այս արժույթն առավել օգտակար է Ընկերության ֆինանսական հաշվետվություններն օգտագործողների համար: Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

2.4 Գնահատումների և դատողությունների կիրառում

ՓՄԿ-ների ՖՀՄՍ-ին համապատասխան ֆինանսական հաշվետվությունների պատրաստումը պահանջում է, որպեսզի Ընկերության ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա: Առավել մեծ դատողություն պահանջող և

բարդություններ կայացնող էական ոլորտները, կամ այն ոլորտները, որտեղ ենթադրություններն ու գնահատումներն էական են ֆինանսական հաշվետվությունների համար, բացահայտված են ֆինանսական հաշվետվություններին կից ծանոթագրություն 20-ում:

3. Հաշվապահական հաշվառման քաղաքականություն

3.1 Արտարժույթ

Արտարժույթով գործարքներ

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված միջին փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները պետք է վերահաշվարկվեն՝ կիրառելով հաշվետու ամսաթվի դրությամբ ՀՀ ԿԲ կողմից հրապարակված միջին փոխարժեքը: Իրական արժեքով հաշվառվող և արտարժույթով սահմանված ոչ դրամային հոդվածները վերահաշվարկվում են գործարքի օրվա դրությամբ գործող փոխարժեքով: Ոչ դրամային հոդվածները, որոնց սկզբնական արժեքը հաշվառվում է արտարժույթով, չեն վերահաշվարկվում: Ստորև ներկայացված են ՀՀ Կենտրոնական բանկի կողմից հրապարակված միջին փոխարժեքները.

	2021թ. դեկտեմբերի 31-ի դրությամբ	2022թ. դեկտեմբերի 31-ի դրությամբ
Ռուբլի	6.42	5.59
ԱՄՆ դոլար	480.14	393.57
Եվրո	542.61	420.06

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում: Իրական արժեքով արտահայտված ոչ դրամային հոդվածների վերահաշվարկումից առաջացած փոխարժեքային տարբերությունները ներառվում են ժամանակաշրջանի շահույթում կամ վնասում:

3.2 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ: Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի և ակտիվի հաշվեկշռային արժեքի տարբերությամբ և ճանաչվում է շահույթում կամ վնասում:

Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են շահույթի կամ վնասի և այլ համապարփակ ֆինանսական արդյունքների մասին հաշվետվությունում՝ կատարվելու ժամանակաշրջանում:

Մաշվածությունը ճանաչվում է շահույթի կամ վնասի և այլ ֆինանսական արդյունքների մասին հաշվետվությունում՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

N	Հիմնական միջոցներ	տարի
1	Մեքենաներ և սարքավորումներ	8
2	Տրանսպորտային միջոցներ	8
3	Արտադրատնտեսական գույք	8
4	Համակարգչային տեխնիկա	1

3.3 Ոչ նյութական ակտիվներ

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար

ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները: Ամորտիզացիան ճանաչվում է համապարփակ ֆինանսական արդյունքների մասին հաշվետվությունում՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում:

3.4 Հիմնական միջոցների և ոչ նյութական ակտիվների արժեզրկում

Անորոշ օգտակար ծառայության ժամկետ ունեցող ակտիվները չեն ամորտիզացվում և յուրաքանչյուր տարի ենթարկվում են արժեզրկման ստուգման

Մաշվող ակտիվները արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը վաճառքի գույքի գնից և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլինի, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է որպես եկամուտ համապարփակ ֆինանսական արդյունքների մասին հաշվետվությունում, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորստի ցանկացած հակադարձում դիտվում է որպես վերագնահատումից արժեքի աճ:

3.5 Վարձակալված ակտիվներ

Գործառնական վարձակալության գծով վճարները ճանաչվում են որպես ծախս՝ գծային հիմունքով: Վարձակալության հետ կապված ծախսերը, ինչպիսիք են պահպանման և ապահովագրության ծախսերը, ծախսագրվում են իրականացման պահին:

3.6 Պաշարներ

Պաշարները հաշվառվում են ինքնարժեքից և իրացման գույք արժեքից նվազագույնով: Իրացման գույք արժեքը սովորական գործունեության ընթացքում վաճառքի ձևավորվող գինն է՝ հանած համալրման և վաճառքը կազմակերպելու համար անհրաժեշտ ծախսումները: Պաշարների ինքնարժեքը հաշվարկվում է՝ օգտագործելով միջին կշռված մեթոդը, և ներառում է պաշարների ձեռքբերման, ինչպես նաև դրանք իրենց ներկայիս վիճակին և գտնվելու վայր հասցնելու ծախսերը:

3.7 Ֆինանսական գործիքներ

Ճանաչում և սպաճանաչում

Ֆինանսական ակտիվները կամ ֆինանսական պարտավորությունները ճանաչվում են, երբ Ընկերությունը դառնում է ֆինանսական գործիքի պայմանագրային կողմ:

Ֆինանսական ակտիվները ապահանջվում են, երբ ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները լրանում են, կամ երբ ֆինանսական ակտիվները և բոլոր նշանակալից ռիսկերը և հատուցումները փոխանցվում են:

Ֆինանսական պարտավորությունները ապահանջվում են, երբ դրանք մարվում են, ենթակա չեն վճարման, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվների դասակարգում և սկզբնական չափում

Ֆինանսական ակտիվները բաժանվում են հետևյալ կատեգորիաների.

- ֆինանսական ակտիվներ՝ չափվող իրական արժեքով՝ շահույթի կամ վնասի միջոցով,
- վաճառքի համար մատչելի ֆինանսական ակտիվներ,
- մինչև մարման ժամկետը պահվող ներդրումներ,
- փոխառություններ և դերիտորական պարտքեր:

Ֆինանսական ակտիվները սկզբնական ճանաչման ժամանակ վերագրվում են տարբեր կատեգորիաների՝ կախված գործիքի բնույթից և նպատակից: Ֆինանսական գործիքի կատեգորիան համապատասխանեցվում է այն սկզբունքին, որով չափվում է տվյալ գործիքը:

Ֆինանսական ակտիվների հետ կապված բոլոր ծախսերը և եկամուտները որոնք ճանաչվում են շահույթում կամ վնասում, ներկայացվում են "Ֆինանսական ծախս", "Ֆինանսական եկամուտ" կամ "Այլ ֆինանսական արդյունքներ" հոդվածներում, բացառությամբ առևտրային դեբիտորական պարտքերի արժեզրկման, որը ներկայացվում է "Այլ ծախսեր" հոդվածում:

I. Ֆինանսական ակտիվներ՝ չափվող իրական արժեքով՝ շահույթի կամ վնասի միջոցով

Ֆինանսական ակտիվները՝ չափվող իրական արժեքով՝ շահույթի կամ վնասի միջոցով, ներառում են առևտրային նպատակով պահվող ֆինանսական ակտիվները կամ այն ֆինանսական ակտիվները, որոնք որպես չափվող իրական արժեքով՝ շահույթի կամ վնասի միջոցով դասակարգվել են Ընկերության կողմից՝ սկզբնական ճանաչման ժամանակ: Բոլոր ածանցյալ ֆինանսական գործիքները, որոնք ենթակա չեն հեջավորման, դասակարգվում են այս կատեգորիայում:

Ածանցյալ ֆինանսական գործիքների գծով առաջացած ցանկացած օգուտ կամ վնաս հիմնված է իրական արժեքի փոփոխության վրա, որը որոշվում է՝ ուղղակիորեն վկայակոչելով գործող շուկայում գործարքները կամ գործող շուկայի բացակայության դեպքում՝ գնահատման մեթոդի միջոցով:

II. Վաճառքի համար մատչելի ֆինանսական ակտիվներ

Վաճառքի համար մատչելի ֆինանսական ակտիվները չափվում են իրական արժեքով՝ իրական արժեքի փոփոխությունները ուղղակիորեն ճանաչելով այլ համապարփակ արդյունքներում: Վաճառքի համար մատչելի ֆինանսական ակտիվների կատեգորիայում դասակարգված ֆինանսական գործիքներից առաջացած օգուտը կամ վնասը ճանաչվում է շահույթում կամ վնասում այն դեպքում, երբ նշված ակտիվները վաճառվում են կամ երբ ներդրումն արժեզրկվում է: Արժեզրկման դեպքում ցանկացած վնաս, որը նախկինում ճանաչվել էր այլ համապարփակ արդյունքներում, փոխանցվում է համապարփակ ֆինանսական արդյունքների մասին հաշվետվություն: Սեփական կապիտալի գործիքներից առաջացած և համապարփակ ֆինանսական արդյունքների մասին հաշվետվությունում ճանաչված վնասները չեն հակադարձվում համապարփակ ֆինանսական արդյունքների մասին հաշվետվությունում, այլ ճանաչվում են սեփական կապիտալում:

III. Մինչև մարման ժամկետը պահվող ներդրումներ

Մինչև մարման ժամկետը պահվող ներդրումները ֆիքսված կամ որոշելի վճարումներով, ֆիքսված մարման ժամկետով ոչ ածանցյալ ֆինանսական ակտիվներ են և ներառում են առևտրային բանկերում ավանդները: Ներդրումները դասակարգվում են որպես մինչև մարման ժամկետը պահվող, եթե Ընկերության ղեկավարությունը մտադրված է պահել դրանք մինչև դրանց մարման ժամկետը:

IV. Փոխառություններ և դեբիտորական պարտքեր

Փոխառություններն ու դեբիտորական պարտքերը ֆիքսված կամ որոշելի վճարումներով ոչ ածանցյալ ֆինանսական ակտիվներ են, որոնք չեն գնանշվում ակտիվ շուկայում և ներառում են առևտրային և այլ դեբիտորական պարտքերը, ինչպես նաև մնացորդները՝ դրամարկղում և բանկերում:

V. Առևտրային և այլ դեբիտորական պարտքեր

Ընթացիկ դեբիտորական պարտքերը սկզբնապես ճանաչվում են իրական արժեքով: Հետագայում դրանք հաշվառվում են ամորտիզացված արժեքով՝ հանած արժեզրկման պահուստը: Առևտրային դեբիտորական պարտքերի արժեզրկման պահուստը ստեղծվում է այն ժամանակ, երբ առկա է օբյեկտիվ ապացույց, որ Ընկերությունը սկզբնապես սահմանված ժամկետներում չի կարող հավաքագրել վերադարձման ենթակա բոլոր գումարները: Դեբիտորի զգալի ֆինանսական դժվարությունները, վճարման հետաձգումը և վճարումների ուշացումները ցուցանիշ են այն բանի, որ առևտրային դեբիտորական պարտքն արժեզրկված է: Պահուստի գումարը ակտիվի հաշվեկշռային արժեքի և սկզբնական արդյունավետ տոկոսադրույքով գեղջված ապագա դրամական հոսքերի ներկա արժեքի տարբերությունն է:

Պահուստի մնացորդը ճշգրտվում է հաշվետու ժամանակաշրջանի համապարփակ ֆինանսական արդյունքների մասին հաշվետվությունում՝ ծախսի կամ եկամտի ճանաչման միջոցով: Հաճախորդի հաշվի մնացորդից դուրս գրվող ցանկացած գումար նվազեցվում է առկա կասկածելի դեբիտորական պարտքի պահուստից: Բոլոր դեբիտորական պարտքերը, որոնց հավաքագրումը գնահատվում է անհավանական, դուրս են գրվում:

VI. Մնացորդներ դրամարկղում և բանկերում

Մնացորդները դրամարկղում և բանկերում ներառում են կանխիկ միջոցները, բանկային հաշիվների մնացորդները:

Ֆինանսական ակտիվների արժեզրկում

Յուրաքանչյուր հաշվետու ամսաթվի դրությամբ ֆինանսական ակտիվները, բացառությամբ այն ֆինանսական ակտիվների՝ *չսխիտող իրական արժեքով՝ շահույթի* կամ վնասի միջոցով, գնահատվում են արժեզրկման հայտանիշի առկայության համար: Ֆինանսական ակտիվներն արժեզրկված են, եթե առկա է անկողմնակալ վկայություն, որ ֆինանսական ակտիվների սկզբնական ճանաչումից հետո տեղի ունեցած մեկ կամ մի քանի իրադարձություններ ազդել են ակնկալվող դրամական միջոցների հոսքերի վրա:

Ամորտիզացված արժեքով հաշվառվող ֆինանսական ակտիվների գծով արժեզրկման կորուստը հաշվառվում է ակտիվի հաշվեկշռային արժեքի և սկզբնական արդյունավետ տոկոսադրույքով զեղչված դրամական միջոցների ակնկալվող ապագա հոսքերի ներկա արժեքի միջև տարբերությամբ: Բոլոր ֆինանսական ակտիվների համար արժեզրկումից կորուստն ուղղակիորեն նվազեցվում է ֆինանսական ակտիվի հաշվեկշռային արժեքից, բացառությամբ առևտրային դեբիտորական պարտքերի, որոնց հաշվեկշռային արժեքը նվազեցվում է կասկածելի պարտքի պահուստի միջոցով:

Բացառությամբ վաճառքի համար մատչելի սեփական կապիտալի գործիքների, եթե հետագա ժամանակաշրջանում արժեզրկման կորուստը նվազում է և նվազումը օբյեկտիվորեն կարելի է վերագրել արժեքի իջեցումից հետո տեղի ունեցած դեպքերին, ապա նախկինում ճանաչված արժեզրկման կորուստը հակադարձվում է՝ ճանաչվելով համապարփակ ֆինանսական արդյունքների մասին հաշվետվությունում այն չափով, որ հակադարձումը չհանգեցնի ֆինանսական ակտիվի այնպիսի հաշվեկշռային արժեքի, որը գերազանցի այն ամորտիզացված արժեքը, որը կլիներ, եթե այդ ֆինանսական ակտիվի արժեքի իջեցման հակադարձման ամսաթվի դրությամբ արժեզրկում ճանաչված չլիներ:

Ֆինանսական պարտավորությունների դասակարգում և սկզբնական չափում

Ընկերության ֆինանսական պարտավորությունները ներառում են վարկերը, փոխառությունները, առևտրային և այլ կրեդիտորական պարտքերը:

I. Վարկեր և փոխառություններ

Վարկերը և փոխառությունները սկզբնապես ճանաչվում են իրական արժեքով՝ առանց գործարքային ծախսերի: Սկզբնական ճանաչումից հետո փոխառությունները չափվում են ամորտիզացված արժեքով, իսկ այս արժեքի և մարման արժեքի միջև տարբերությունը փոխառության ժամկետի ընթացքում ճանաչվում է համապարփակ ֆինանսական արդյունքների մասին հաշվետվությունում՝ արդյունավետ տոկոսադրույքի մեթոդով: Տոկոսավճարները և փոխառությունների հետ կապված այլ ծախսերը ծախսագրվում են կատարմանը զուգահեռ՝ որպես ֆինանսական ծախսերի մի մաս, բացի որակավորվող ակտիվի ձեռքբերմանը, կառուցմանը կամ արտադրությանն ուղղակիորեն վերագրվող փոխառության ծախսումներից, որոնք կապիտալացվում են որպես այդ ակտիվի արժեքի մաս:

II. Առևտրային և այլ կրեդիտորական պարտքեր

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

3.8 Սեփական կապիտալ

Ընկերության կողմից թողարկվող կապիտալի գործիքները հաշվառվում են անվանական արժեքով: Տեղաբաշխված բաժնետոմսերի վաճառքի գնի և անվանական արժեքի տարբերությունը ներկայացվում է որպես էմիսիոն եկամուտ:

Սովորական բաժնետոմսերին անմիջականորեն վերագրվող ծախսերը ճանաչվում են որպես սեփական կապիտալի նվազեցում:

Շահաբաժինները ճանաչվում են որպես պարտավորություն այն ժամանակաշրջանում, երբ դրանք հայտարարվում են:

3.9 Հատուցումներ աշխատակիցներին

Աշխատակիցների կարճաժամկետ հատուցումները ներառում են աշխատավարձերը, կարճաժամկետ փոխհատուցելի բացակայությունները (ինչպիսիք են, օրինակ, վճարովի տարեկան արձակուրդները և հիվանդության հետ կապված վճարովի արձակուրդները) և պարգևավճարները:

3.10 Հահութահարկ

Ընթացիկ հահութահարկը տարվա համար հարկվող հահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և հահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող հահույթի ստացում, որի դիմաց կարող է օգտագործվել նվազեցվող ժամանակավոր տարբերությունը:

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում է այն չափով, որով այլևս հավանական չէ, որ Ընկերությունը կստանա բավարար հարկվող հահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

Հետաձգված հարկային ակտիվներն ու պարտավորությունները չափվում են հարկերի այն դրույքների օգտագործմամբ, որոնց կիրառման մեջ լինելն ակնկալվում է ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում: Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք երևան են գալու կախված այն եղանակից, որով Ընկերությունը հաշվետու ամսաթվի դրությամբ ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

3.11 Հասույթի ճանաչում

Ընկերությունը ներմուծում և տեղական շուկայից ձեռք է բերում ալկոհոլային խմիչքներ և իրականացնում մանրամեծածախ վաճառքի գործառնություններ:

4. Հիմնական միջոցներ

Հազար դրամ	Սարքավորումներ	Արտադրական և տնտեսական գույք	Այլ	Ընդամենը
<i>Սկզբնական արժեք</i>				
2021թ. հունվարի 1-ի դրությամբ	8,961	1,349	2,148	12,458
Ավելացում	14,463	343	12,736	27,542
Օտարում	-	-	-	-
2021թ. դեկտեմբերի 31-ի դրությամբ	23,424	1,692	14,884	40,000
Ավելացում	33,213	286	3,847	37,346
Օտարում	-	-	-6,640	-6,640
2022թ. դեկտեմբերի 31-ի դրությամբ	56,637	1,978	12,091	70,706

Կուտակված մաշվածություն

2021թ. հունվարի 1-ի դրությամբ	316	21	172	509
Տարվա ծախս	1,043	169	3,804	5016
Օտարման հետևանքով դուրս գրված				
2021թ. դեկտեմբերի 31-ի դրությամբ	1,359	190	3,976	5,525
Տարվա ծախս	3,541	241	5,521	9,303
Օտարման հետևանքով դուրս գրված			-746	-746
2022թ. դեկտեմբերի 31-ի դրությամբ	4,900	431	8,751	14,082
Հաշվեկշռային արժեք				
2021թ. դեկտեմբերի 31-ի դրությամբ	22,065	1,502	10,908	34,475
2022թ. դեկտեմբերի 31-ի դրությամբ	51,737	1,547	3,340	56,624

5. Հետաձգված հարկային ակտիվներ

Հետաձգված հարկերի շարժը հետևյալն է.	31.12.2022	31.12.2021
Մնացորդ տարեսկզբին	75,069	-
Համապարփակ ֆին. հաշվետվությունում ճանաչված փոխհատուցում	50,511	75,069
Մնացորդ տարեվերջին	125,580	75,069

Հետաձգված հարկերը խմբավորված են հետևյալ կերպ.

Հետաձգված հարկային ակտիվ	2020թ. դեկտեմբերի 31	Համապարփակ ֆինանսական հաշվետվությունում ճանաչված փոխհատուցում	2021թ. դեկտեմբերի 31
Արձակուրդի պահուստ	-	4,362	4,362
Հարկային վնաս	-	70,707	70,707
արդյունք	-	75,069	75,069
Հետաձգված հարկային ակտիվ	2021թ. դեկտեմբերի 31	Համապարփակ ֆինանսական հաշվետվությունում ճանաչված փոխհատուցում	2022թ. դեկտեմբերի 31
Արձակուրդի պահուստ	4,362	903	5,265
Հարկային վնաս	70,707	49,608	120,315
արդյունք	75,069	50,511	125,580

6. Պաշարներ

	31.12.2022թ.	31.12.2021թ.	31.12.2020թ.
Ապրանքներ	2,592,057	2,661,291	1,496,834
Այլ	19,084	14,004	1,741
	2,611,141	2,675,295	1,498,575

7. Տրամադրված կարճաժամկետ փոխառություններ

Փոխառություն տրամադրվել է ընկերության աշխատակիցներին, անտոկոս և յուրաքանչյուր աշխատակցի համար սահմանվել է մարման կարճաժամկետ գրաֆիկ:
Փոխառության շարժը ներկայացված է ստորև

Մնացորդ 31.12.2020	180
ավելացում	1,350
մարում	-834
Մնացորդ 31.12.2021	696
ավելացում	13,680
մարում	-5,106
Մնացորդ 31.12.2022	9,270

8. Առևտրային և այլ դեբիտորական պարտքեր

	31.12.2022թ.	31.12.2021թ.	31.12.2020թ.
Առևտրային դեբիտորական պարտքեր	1,209,318	1,342,327	1,420,722
Այլ դեբիտորական պարտքեր	-	-	-
Ընդամենը ամորտիզացված արժեքով չափով ֆինանսական ակտիվներ	1,209,318	1,342,327	1,420,722
Տրված կանխավճարներ	146,956	49,545	16,382
Տրված կանխավճարներ հարկերի գծով	240	89,443	98,095
Տրված կանխավճարներ լիցենզիայի գծով	12,698	12,698	12,698
Այլ տրված կանխավճարներ	10,797	-	-
Ընդամենը առևտրային և այլ դեբիտորական պարտքեր	1,380,009	1,494,013	1,478,097

9. Դրամական միջոցներ և դրանց համարժեքներ

	31.12.2022թ.	31.12.2021թ.	31.12.2020
Դրամական միջոցներ բանկերում	24,689	69,809	65,362
Կանխիկ միջոցներ դրամարկղում	86,118	122	52
	110,807	69,931	65,414

10. Մեփական կապիտալ

10.1 Կանոնադրական կապիտալ

Ընկերության կանոնադրական կապիտալը 01.01.2020թ դրությամբ կազմել է 50 հազ. դրամ: ըրը բաժանված է 1 բաժնեմասի՝ 50.000 դրամ անվանական արժեքով:

31.12.2022թ դրությամբ փոփոխություն տեղի չի ունեցել և այն կազմում է 50 հազ. դրամ:

11. Կարճաժամկետ վարկեր

Ընկերության օվերդրաֆտ վարկավորումը իրականացվել է ԷյՋ Էս Բի ՄԻ բանկ Հայաստան ՓԲԸ – ի միջոցով, տարեկան 10 տոկոս տոկոսադրույքով, մինչև 03.09.2023թ մարման ժամկետով, վերավարկավորման պայմանով:

Մնացորդ 31.12.2020	1,415,388
Ավելացում	153,225
Մարում	-289,068
Մնացորդ 31.12.2021	1,279,545
Ավելացում	37,786
Մարում	-117,342
Մնացորդ 31.12.2022	1,199,989

12. Կարճաժամկետ փոխառություններ

Փոխառություն ստացել է «Արմենիա Վայն» Գործարան ՍՊԸ-ի, Վահագն Մկրտչյանի և Արկադի Միմոնյանի հետ կնված պայմանագրերի համաձայն: Փոխառությունները կնքվել են անտոկոս, անորոշ ժամկետով:

Մնացորդ 31.12.2020	469,936
Ավելացում	1,575,366
Մարում	-1,156,185
Մնացորդ 31.12.2021	889,117
Ավելացում	1,309,142
Մարում	-1,214,271
Մնացորդ 31.12.2022	983,988

գործընկեր	Մնացորդ 31.12.2021	Մնացորդ 31.12.2022
Արմենիա Վայն գործարան ՍՊԸ	300,318	–
Միմոնյան Արկադի Աշոտի-		983,988
Ընկերության հիմնադիր	588,799	
Ընդամենը	889,117	983,988

13. Առևտրային և այլ կրեդիտորական պարտքեր

հազ. դրամ	2022թ.	2021թ.	2020թ.
Առևտրային կրեդիտորական պարտքեր	2,457,768	2,202,233	1,247,317
Այլ կրեդիտորական պարտքեր	29,380	35,887	4,200
Ամորտիզացված արժեքով չափվող ֆինանսական պարտավորություններ	2,487,148	2,238,120	1,251,517
Վճարվելիք հարկեր	203,665	219,059	46,885
Աշխատավարձ	-	-	22,081
Չօգտագործված արձակուրդի գծով պահուստ	29,242	24,234	-
	2,720,055	2,481,413	1,320,463

14. Հասույթ

Հազ.դրամ	2022թ.	2021թ.	2020թ.
Ապրանքների վաճառքից հասույթ	5,287,921	4,868,115	2,869,274

15. Վաճառքի ինքնարժեք

Հազ. դրամ	2022թ	2021թ	2020թ
Ապրանքների վաճառքի ինքնարժեք	4,212,815	3,971,335	2,316,793

16. Իրացման ծախսեր

հազ. դրամ	2022թ.	2021թ.	2020թ.
Աշխատակիցներին ուղղված միջոցներ	589,618	566,312	394,003
Գովազդային և վաճառքի խթանման ծախսեր	392,799	179,139	125,545
Վարձակալության գծով ծախսեր	84,801	69,217	68,468
Տրանսպորտային ծախսեր	80,878	52,809	31,703
Պրոմո ալցիաներ	47,682	46,415	14,382
Մաշվածություն	7,027	2,330	2,195
Գործուղման ծախսեր	1,340	32	213
Լիցենզիաներ, տուրքեր	15,000	15,000	15,000
Ծրագրային ապահովման ծախսեր	5,841	3,745	-
Կոմունալ վճարներ	2,462	609	-
Այլ ծախսեր	8,096	4,485	5,288
	1,235,544	940,093	656,797

17. Վարչական ծախսեր

	2022թ.	2021թ.	2020թ.
Աշխատանքի վճարման ծախսեր	60,310	48,368	39,661
ՀՄ-ների մաշվածության և նորոգման ծախսեր	1,933	2,022	249
Վարձակալություն	20,783	20,445	18,000
Գրասենյակային և կոմունալ	65	1,078	374
Բանկային ծախսեր	338	1,791	1,078
Այլ	2,585	1,640	4,986
	86,014	75,344	64,348

18. Այլ ծախսեր

հազ. դրամ	2022թ.	2021թ.	2020թ.
Դեբիտորների դուրս գրում	1,169	37	
Ծախսեր տույժ, տուգանքներից	3,270	21	26
Փոխարկումից առաջացած վնաս	5,031	6,421	10,188
Այլ	-	-	9,995
	9,470	6,479	20,209

19. Շահութահարկի գծով ծախս

	2022թ. դեկտեմբերի 31-ին ավարտված տարի	2021թ. դեկտեմբերի 31-ին ավարտված տարի
Ընթացիկ հարկ	-	-
Հետաձգված հարկ	50,511	75,069
	50,511	75,069

Արդյունավետ հարկային դրույքաչափի համադրումը ներկայացված է ստորև.

	2022թ. դեկտեմբերի 31- ին ավարտված տարի	Արդյունավետ հարկային դրույքաչափ (%)	2021թ. դեկտեմբերի 31-ին ավարտված տարի	Արդյունավետ հարկային դրույքաչափ (%)
Հազար դրամ				
Վնասը մինչև հարկումը	-360,262		-224,011	
Շահութահարկ՝ 18% դրույքաչափով (2021թ.՝ 18%)	-64,847	-18	-40,322	-18
Զնվազեցվող ծախսի ազդեցությունը	115,358	32	115,391	51
Շահութահարկի գծով ծախս/փոխհատուցում	50,511	14	75,069	33

20. Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի և այլ ցուցանիշների վրա, ներառյալ՝ ապագա ակնկալվող իրադարձությունները, որոնք համարվում են ընդունելի տվյալ հանգամանքներում:

20.1 Կարևոր հաշվապահական գնահատումներ

Ընկերությունն իրականացնում է ապագային վերաբերող գնահատումներ և ենթադրություններ: Այդ հաշվապահական գնահատականները, որպես կանոն, չեն համապատասխանում իրական արդյունքներին: Ստորև ներկայացված են այն գնահատումներն ու ենթադրությունները, որոնց գծով առկա է ռիսկ, որ հաջորդ ֆինանսական տարում ակտիվների և պարտավորությունների հաշվեկշռային արժեքները կենթարկվեն էական ճշգրտումների:

Հիմնական միջոցների օգտակար ծառայության ժամկետները

Ընկերության ղեկավարությունը գնահատել է հիմնական միջոցների օգտակարության ժամկետները 8 տարի մեքենաներ և սարքավորումների, 8 արտադրական և այլ գույքի: Ընկերության ղեկավարությունը հավատացած է, որ այդ ակտիվների գնահատված օգտակարության ժամկետները էականորեն չեն տարբերվում սպասվելիք տնտեսական ժամկետներից: Եթե այս գնահատումները փոխվեն ապա Ընկերության ֆինանսական հաշվետվությունները էականորեն կտարբերվեն:

Հետաձգված հարկի գնահատում

Ինչպես նկարագրված է ծանոթագրություն 7-ում, ճանաչվել է 125,580 հազար դրամի հետաձգված հարկեր: Հետաձգված հարկային ակտիվները ձևակերպվում է արձակուրդի պահուստից և հարկային վնասից: Ընկերության ղեկավարությունը հավատացած է, որ Ընկերությունը ապագայում կունենա բավարար հարկվող շահույթ, որպեսզի փոխհատուցի հետաձգված հարկային ակտիվները: Եթե Ընկերությունը ապագայում չկարողանա ստանալ հարկվող շահույթ, ապա հետաձգված հարկային ակտիվները չեն փոխհատուցվի:

21. Ֆինանսական գործիքներ

21.1 Հաշվապահական հաշվառման քաղաքականություններ

Ֆինանսական ակտիվի, ֆինանսական պարտավորության, և բաժնային գործիքի յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3.7-ում:

21.2 Ֆինանսական գործիքների կատեգորիաները

Ֆինանսական վիճակի մասին հաշվետվությունում ներկայացված մնացորդները վերաբերում են ակտիվների և պարտավորությունների հետևյալ կատեգորիաներին.

Ֆինանսական ակտիվներ

Հազար դրամ	2022թ. դեկտեմբերի 31- ի դրությամբ	2021թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
<i>Դերիտորական պարտքեր</i>			
Առևտրային դերիտորական պարտքեր	1,238,287	1,380,637	1,420,722
Տրված փոխառություններ	9,270	696	180
Մնացորդներ դրամարկղում և բանկերում	110,807	69,931	65,414
	<u>1,358,364</u>	<u>1,451,264</u>	<u>1,486,316</u>

Ֆինանսական պարտավորություններ

Հազար դրամ	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
Փոխառություններ և վարկեր	2,183,977	2,168,662	1,885,324
Առևտրային և այլ կրեդիտորական պարտքեր	2,487,148	2,238,120	1,251,517
	<u>4,671,125</u>	<u>4,406,782</u>	<u>3,136,841</u>

22. Ֆինանսական ռիսկի կառավարման ուղղություններ

Ֆինանսական գործիքների հետ կապված՝ Ընկերությունը ենթարկվում է գանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը:

Ընկերությունը չի ներգրավված սպեկուլյատիվ նպատակներով ֆինանսական ակտիվների ակտիվ

առքուվաճառքի գործարքներում, ինչպես նաև չի թողարկում օպցիոններ: Առավել էական ֆինանսական ռիսկերը, որոնց ընկերությունը կարող է ենթարկվել, նկարագրված են ստորև:

22.1 Ֆինանսական ռիսկի գործոններ

ա) Շուկայական ռիսկ

Ընկերության գործունեությունն ուղղակիորեն ենթարկվում է արտարժույթային, տոկոսադրույթային ռիսկերի փոփոխությունների ազդեցությանը և կապիտալի գնային ռիսկին (տես՝ բ) ստորև):

բ) Արտարժույթային ռիսկ

Ընկերությունը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Արտարժույթային ռիսկը Ընկերության ֆինանսական ակտիվների և ֆինանսական պարտավորությունների վրա ունի հետևյալ ազդեցությունը՝

Հոդված 2022թ.	ԱՄՆ դոլար	Ֆունտ ստերլինգ	Եվրո	Ռուբլի
Ֆինանսական ակտիվներ Առևտրային դեբիտորական պարտքեր Փոխառություններ Մնացորդներ դրամարկդում և բանկերում	4,955	29,763	6,715	96,068
	4,955	29,763	6,715	96,068
Ֆինանսական պարտավորություններ Վարկեր և փոխառություններ Առևտրային և այլ կրեդիտորական պարտքեր		3	3,191	
		3	3,191	
Զուտ արդյունք Հոդված 2021թ.	4,955	29,760	3,524	96,068
Ֆինանսական ակտիվներ Առևտրային դեբիտորական պարտքեր Փոխառություններ Մնացորդներ դրամարկդում և բանկերում	26,737		13,002	6,297
	23			
	26,760	-	13,002	6,297
Ֆինանսական պարտավորություններ Վարկեր և փոխառություններ Առևտրային և այլ կրեդիտորական պարտքեր			24	42,229
			24	42,229
Զուտ արդյունք Հոդված 2020թ.	26,760	-	12,978	-35,932
Ֆինանսական ակտիվներ Առևտրային դեբիտորական պարտքեր Փոխառություններ Մնացորդներ դրամարկդում և բանկերում	7,452	-	-	-

	7,452	-	-	-
Ֆինանսական պարտավորություններ				
Վարկեր և փոխառություններ	159,390			
Առևտրային և այլ կրեդիտորական պարտքեր	1			2,013
	159,391	-	-	2,013
Զուտ արդյունք	-151,939	-	-	-2,013

Ընկերությունը հիմնականում ենթարկվում է ԱՄՆ դոլարի, եվրոյի և ռուբլու փոխարժեքի ազդեցությանը: Ստորև բերված աղյուսակում ներկայացված է Ընկերության զգայունությունը՝ ԱՄՆ դոլարի, եվրոյի, ֆունտ սթերլինգի և ռուբլու նկատմամբ դրամի 10% աճի/նվազմանը: 10%-ը ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում դրանց փոխարկումը՝ փոփոխելով փոխարժեքը 10%-ով:

Հազար դրամ	ԱՄՆ դոլարի ազդեցությ.	Եվրոյի ազդեցությ.	ռուբլու ազդեցությ.	ԱՄՆ դոլարի ազդեցությ.	Ֆունտ ստերլինգ	Եվրո	ռուբլու ազդեցությ.
	2021թ.	2021թ.	2021թ.	2022թ.	2022թ.	2022թ.	2022թ.
Համապարփակ ֆինանսական արդյունքների մասին հաշվետվություն	2,676	1,298	3,593	495	2,976	352	9,606

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Ընկերությունը կորուստներ կարող է կրել: Հաշվետու ամսաթվի դրությամբ նշանակալի պարտքային ռիսկի կենտրոնացում առկա չէ: Առավելագույն պարտքային ռիսկը ներկայացված է ֆինանսական վիճակի մասին հաշվետվությունում՝ յուրաքանչյուր ֆինանսական ակտիվի հաշվեկշռային արժեքով:

դ) Իրացվելիության ռիսկ

Ընկերությունը վարում է իրացվելիության կառավարման քաղաքականություն՝ պահելով բավարար դրամական միջոցներ և դրանց համարժեքներ, ինչպես նաև բարձր իրացվելիություն ունեցող ակտիվներ՝ ժամանակին գործառնական պարտավորությունները մարելու նպատակով:

22.2 Կապիտալի ռիսկի կառավարում

Ընկերությունն իր կապիտալը կառավարում է այնպես, որպեսզի ապահովի իր անընդհատ գործելու հնարավորությունն առավելագույնին հասցնելով բաժնետերերի եկամուտները՝ փոխառու և կապիտալ միջոցների օպտիմալ համապատասխանություն ապահովելու միջոցով:

Ընկերության կապիտալը կազմված է սեփական կապիտալից, որը ներառում է թողարկված կապիտալը, կուտակված վնասը:

Ընկերության ղեկավարությունը պարբերաբար վերանայում է կապիտալի կառուցվածքը, որպեսզի ապահովի փոխառու միջոցների և սեփական կապիտալի մնացորդների առավելագույն օպտիմալ համապատասխանություն, որը վերլուծվում է՝ ընդհանուր կապիտալը բաժանած ընդհանուր ֆինանսավորման վրա: Հաշվարկը ներկայացվում է ստորև.

Հազար դրամ	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
Ընդհանուր սեփական կապիտալ	-749,080	-369,850	150,201
Հանած՝ դրամական միջոցներ և դրանց համարժեքներ	-110,807	-69,931	-65,414
Կապիտալ	-859,887	-439,781	84,787
Ընդհանուր սեփական կապիտալ	-749,080	-369,850	150,201
Վարկեր և փոխառություններ	2,183,977	2,168,662	1,885,324
Ընդհանուր ֆինանսավորում	1,434,897	1,798,812	2,035,525
Կապիտալի և ընդհանուր ֆինանսավորման հարաբերակցություն	-0,6	-0,24	0,04

22.3 Իրական արժեք

Ղեկավարության համոզմամբ՝ ֆինանսական հաշվետվություններում ամորտիզացված արժեքով ճանաչված ֆինանսական ակտիվների և պարտավորությունների հաշվեկշռային արժեքները գրեթե հավասար են դրանց իրական արժեքին:

23. Պայմանականություններ

23.1 Գործարար միջավայր

Հայաստանում իրականացվող քաղաքական և տնտեսական փոփոխությունները, ինչպես նաև իրավական, հարկային և օրենսդրական համակարգերի զարգացումը շարունակական բնույթ են կրում: Հայաստանի տնտեսության կայունությունը և զարգացումը մեծապես կախված է այս փոփոխություններից: Կառավարությունը հաստատել է արդյունավետ կառավարման իր հանձնառությունը, որը ենթադրում է հակակոռուպցիոն ջանքեր, թափանցիկություն և հաշվետվողականություն:

Ընկերության ղեկավարությունը գտնում է, որ իրացվելիության ընթացիկ մակարդակը բավարար է կայուն գործունեության համար: Ընկերությունը պարբերաբար վերանայում է իր իրացվելիության մակարդակը և, անհրաժեշտության դեպքում, պատրաստ է կիրառել իրացվելիության աջակցության համապատասխան գործիքակազմ:

Տվյալ ֆինանսական հաշվետվությունները չեն արտացոլում վերը նկարագրվածի հնարավոր ապագա ազդեցությունը Ընկերության գործունեության վրա:

23.2 Ապահովագրություն

Հայաստանում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Ընկերությունը՝ իր ակտիվների, գործունեության ընդհատման կամ երրորդ կողմերի պարտավորությունների հանդեպ, որոնք կարող են առաջանալ գույքին կամ շրջակա միջավայրին Ընկերության գույքի կամ գործառնությունների պատահարներից հասցված վնասի ապահովագրություն չունի: Քանի դեռ Ընկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Ընկերության գործունեության և ֆինանսական դրության վրա:

23.3 Հարկեր

Հայաստանի Հանրապետության հարկային համակարգը համեմատաբար նոր է՝ հաճախակի փոփոխվող օրենսդրությամբ, որը հաճախ մեկնաբանություններ է պահանջում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն

օրենքով լիազորված են առաջադրել տուգանքներ և տույժեր:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ՝ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել:

24. Կապակցված կողմերի բացահայտում

Ընկերությունը չի հանդիսանում և չունի դուստր կազմակերպություն, չունի իր նկատմամբ վերահսկողություն կամ նշանակալի ազդեցություն ունեցող կազմակերպություն, չունի ստացված կազմակերպություններ, չի հանդիսանում համատեղ ձեռնարկման կողմ:

Ընկերությունների միջև փոխկապակցված գործարքներ են համարվում բաժնետիրոջ հետ կնված անորոշ ժամկետով, անտոկոս փոխառության պայմանագրերը :

Ղեկավար անձնակազմի աշխատավարձը, որի կազմում են տնօրենը և վաճառքի թիմի ղեկավարի ժամանակաշրջանի ընթացքում կազմել է

2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ	2020թ. դեկտեմբերի 31- ի դրությամբ
16,643	42,592	32,674

Ընկերությունը վերահսկվում է բաժնետիրոջ կողմից:

25. Շրջակա միջավայրի հետ կապված խնդիրներ

Ղեկավարության համոզմամբ՝ Ընկերությունը բավարարում է շրջակա միջավայրի հետ կապված ՀՀ օրենսդրության պահանջները և վստահ է, որ Ընկերությունը շրջակա միջավայրի հետ կապված ընթացիկ էական պարտավորություններ չունի: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանությունները ապագայում կարող են էական պարտավորություններ առաջացնել:

26. Անընդհատություն

Ընկերությունը կրել է 148,942 հազար դրամ և 309,751 հազար դրամ գումարի գույք կորուստ համապատասխանաբար 2021 թվականի դեկտեմբերի 31-ին և 2022 թվականի դեկտեմբերի 31-ին ավարտվող տարիների ընթացքում, և այդ ամսաթվերի դրությամբ Ընկերության ընթացիկ պարտավորությունները գերազանցել են իր ընդհանուր ակտիվները 299,143 հազար դրամ և 608,894 հազար դրամ գումարի չափով:

Ընկերության գույք ակտիվների արժեքը պակաս է կանոնադրական կապիտալից: Հայաստանի Հանրապետության օրենսդրության պահանջների համաձայն Ընկերությունը պարտավոր է հայտարարել և սահմանված կարգով գրանցել կանոնադրական կապիտալի նվազումը: Այս գործոնների առկայությունը կասկածներ են առաջացնում Ընկերության անընդհատ գործելու վերաբերյալ:

Հաշվի առնելով Ընկերության գործունեության զարգացման ծրագիրը ղեկավարությունը համոզված է, որ Ընկերությունը կկարողանա ապահովել իր շարունակական գործունեությունը: